

227430



*Actum in Ciuitate Regia Kovaleviensi coram Iudicio  
Ciuli Scabinali Feria Quinta post Dominicam  
Misericordiae proxima Anno Domini Millefi-  
mo Septingentesimo Quinquagesimo Tertio.*



Ad Iudicium Actaque praesentia Ciuilia  
Scabinalia Kovaleviensia (Quoniam Acta  
Castrensia Kovaleviensia Palatinatus  
Culmenfis ad praesens vacant; nec ad  
ea aditus patet) personaliter veniens  
prouidus Albertus Zielinski Ministerialis  
Regni generalis ibidem nomine Nobilis et Spectabilis Ma-  
gistratus totiusque Communitatis Ciuitatis Thorunensis,  
subsequentem solennem in parata Copia intulit infertque  
protestationem et manifestationem: Quandoquidem mo-  
dernis Protestantibus summo animorum suorum dolore  
innotuit, dari quosdam incerti nominis et status homines,  
qui omnis honestatis, conscientiae, timoris denique DEI  
obliti, non solum occasione Primatialis Citationis, moder-  
nis Protestantibus die quinta Aprilis a. c. insinuatae, eiusque  
apud Thorunenses ac si iniuriosae receptionis innumeras  
easque falsissimas Nouellas confingere et per Regnum Po-  
loniae, quam late patet, dispergere praesumpserunt, ve-  
rum tandem etiam eousque proteruiae se prouchi passi  
sunt, ut quasdam Literas plebeio et in formalia Aularum  
Regiarum ubiuis impingenti stylo consuere easque sub Ti-  
tulo Responsorialium Serenissimi Regis Borussorum ad  
Thorunenses, die Decima Septima Martii a. c. ac si data-  
rum, diuulgare non erubuerint ausique fuerint, nulla alia  
intentione, quam ut teterrimis his technis, Procerum  
Regni animos sensim praecoccupent, Gentiumque odium  
in Ciuitatem Thorunensem, miris iam modis exagitatam  
magis magisque concitent. Proinde, idem qui supra Pro-  
uidus Albertus Zielinski, nomine et iussu praedictorum  
suorum Principalium, consulendo eorundem Honori et  
Innocentiae, praecauendoque, ne vel hae adeo crassae  
omnique verisimilitudine destitutae fictiones ubi silentio  
prae-



praetermissae fuerint, apud rerum imperitos pro agnitis habeantur, vel saltem aliquid ex vero traxisse, videantur, contra atroces illas calumnias et suppositiones, in ipsa capita Coronata iniuriosissimas, iterum iterumque protestatur, sollemnissimeque declarat, tum Nouellas de iniuriosa illa Citationis Primatialis receptione, tum responsoriales illas literas, et quem praesupponunt a parte Ciuitatis Thorunensis ac si factum antea recursum mera esse hominum malitiosorum et à Consiliis publicis Magistratus Thorunensis remotorum hominum, mendacia, cum non solum Primatialis Citatio, licet per Jura Regia, specialesque Ciuitatis Thorunensis immunitates attendi nequiverit; summa tamen veneratione modestiaque suscepta fuerit; verum etiam moderni Protestantes, sub Fide, Honore, et Conscientia testari queant, actuque testentur, se in Negotio quaestionis nequaquam ad Regiam Aulam Borussiae recurrisse, consequenter etiam eiusmodi Responsorius, quae circumferuntur, nullam probabilem occasionem dedisse; Manifestando simul eosdem suos Principales contra harum insolentium Nouellarum et Suppositionum Autores omnibus vestigiis indagaturos, atque contra illos qua Difamatores, Pacisque publicae, quantum in ipsis est, frivolos turbatores, ubi detecti fuerint, in foro competenti, poenaliter acturos esse, Jure communi et Regni, hacque querela suffragante facultate hanc Protestationem Manifestationemque, augendi, minuendi, cassandi, ac, si opus fuerit, aliam in eius locum substituendi, per omnia salua reservata

Ex Actis Ciuilibus Scabinalibus Kovalevianis Extratt.

**LS.**

**Joannes Martynowicz**

Scabinitus Kovalevianus in absentia Notarii mpp.



